

ጳውሎስ ቆላስያሳ ኣሳስ ፃፊዳ ኪታ ጋላ ቆፋ

ጳውሎስ ቆላስያሳ ኣሳስ ፃፊዳ ኪታይ ፃፊተዳይ፣ ጉላ ኢሲያን፣ ኤፌሶናፕ ዶሎሃ ባጋራ ዳዒያ ቆላስያሳ ካታማን ዳዒያ ዋሳ ኬላሳ። ሄ ዋሳ ኬላ ኤሲዳይ ጳውሎሳ ጊዶና ኢዲካ፣ ሮሜ ቢታን ኢሲያ ዋና ካታማ ጊዲዳ ኤፌሶናፕ ዋንጌላ ኦሳንቸታ ኪቲይ ኢያ ጊዲያ ጊሾ ቆላስያሳሰካ ኣዋቲላ ኢያው ዳዒስ። ቆላስያሳ ዋሳ ኬላን፣ «ፆሳ ኤራናዉኔ ኩሜላ ኣቶቲላ ዳማናው ኣሲ ኡባይ ኣያና ዋልቃታሲኔ ማታታስ ጎይናናው ኮሼስ» ያጊያ ዋርዶ ኣስታማሬቲ ዳዒይሳ ጳውሎስ ሰዒሰ። ሄ ኣስታማሬቲ ታማርሲያ ሃራባይ፣ ቃሲ፣ «ኣሲ ኡባይ ቃፃሮ ዳኒያ ዋጋታስ ሃራታናዉኔ ካላ ዋጋ ኡባ ናጋናው ኮሼስ» ያጎሶና።

ጳውሎስ ሃ ኪታ ፃፊዳይ፣ ቱማ ኣማኖ ቲሚርቲያ ታማርሲዲ፣ ኤንታ ዋርዶ ቲሚርቲያ ላላናሳ። ኢ ዛሪዳ ዛርታፕ ዋናቲይ፣ «ዬሱስ ኪሪስቶሲ ኩሜላ ኣቶቲላ ኢሜስ፤ ሃራ ሃይማኖቲቲኔ ኦሶቲ ኢያፕ ሃሶሶና» ያጌይሳ። ፆሳይ ኪሪስቶሳ ባጋራ ኣላሚያ ሜዲስ። ቃሲ ኢያ ባጋራ ዛሪዲ ባኩ ኤሃና። ሃ ኣላሚያስ ኣቶቲላ ኡፋይሳይ ዳዒይ ኪሪስቶሳ ኣማናና። ሄሳ ጊሾ፣ ጳውሎስ ሃ ጊታ ቲሚርቲይ ኣማኒያ ኣሳ ዳፆን ዋኒዲ ኦሶን ፔዳናው ቤሲያኮ ኦዴስ። ሃ ኪታይኔ ኤፌሶና ኣሳስ ፃፊዳ ኪታይ፣ ባ ኦይኪዳ ቆፋኒኔ ኪታን ዋሊ ዳኖሶና። ሃ ናምዑ ማፃፋታ ጊዶን ዳዒያ ዲማቲላይ፣ ኤፌሶናን ኪሪስቶሲ ዋሳ ኬላስ ሁዔ፣ ቆላስያሳን ኪሪስቶሲ ሜዲቲላስ ሁዔ።

ሃ ኪታ ጳውሎሳፕ ኤኪዲ ቆላስያሳ ጋላናው ቢዳ ቲኪቆሳራ ኢሲፌ ዳዒይ ኣናስዋሳ ጊዳይሳ ቤሶይ ማዲያባ። ዋኒዲ ጊኮ፣ ጳውሎስ ኣናስዋሳ ጌቲቲያ ባ ኦሳንቸዋባ ፊልዋናስ ሃራ ኪታ ፃፊሰ።

ቆላስያሳ ኪታ ኣይፌ ቆፋታ

- ጌሎ ቆፋ 1:1-8
- ኪሪስቶሳ ካንዲዋኔ ኦሱዋ 1:9-2:19
- ኪሪስቶሳን ዳዒያ ኦራላ ዳፆ 2:20-4:6
- ዉርሴላ ሳርሶኔ ኩሻ ቆፋ 4:7-18

1 ፆሳ ሼኔን ኪሪሰቶሲ ዩሱሳ ሃዋሬ ጊዲዳ ጳውሎሲኔ ኑ አሻ ዊዎቲዮሲ። 2 ቆላሲያሳ ካታማን ዴዒያ ኪሪሰቶሳን ጌሻታሲኔ አማኔቲዳ አሳሰ ፃፊዳ ኪታ።

ፆሳ ኑ አዋፔ አቶ ኬሃቴላይኔ ሳሮቴላይ ሂንቴው ጊደ።

ጋላታ ዎሳ

3 ኑኒ ሂንቴው ዎሲያ ዎዴ ፆሳ ኑ ጎዳ፣ ዩሱሰ ኪሪሰቶሳ አዋ ኡባ ዎዴ ጋላቶሰ። 4 ኑኒ ኪሪሰቶሰ ዩሱሳን ዴዒያ ሂንቴ አማኑዎኔ ጌሻታ ኡባሰ ዴዒያ ሂንቴ ሰቁዎ ሰዒዳ። 5 ሄሳ ሂንቴ አሊዳይ ሂንቴ ኡፋይሳይ ሳሎን ሂንቴው ናጌቲዳ ጊሾሳ። ሂንቴ ቱማ ኪታ ጊዲዳ ዎንጌላ ኮይሮ አማኒዳ ዎዴ ሄ ኡፋይሳ ሰዒዳ። 6 ሂንቴ ሄ ዎንጌላ ሰዒዳ ዎዴኔ ፆሳ አቶ ኬሃቴላ ቱማ ሻኪ ኤሪዳ ዎዴፔ ደሚዲ ሂንቴ ጊደን ሃኒዳይሳዳ ቢታ ኡባን ዲጨሼኔ አይፊሼ ዴዔሰ።

7 ሂንቴ ሄሳ ኑራ ኢሲፌ ኪሪሰቶሳሰ አሊያ አማኔቲዳ፣ ደሴቲዳ ኤጳፊራፔ ታማሪዴታ። 8 ኢ ሄሳ ቦላ ጉጂዲ አያናይ ሂንቴው አሚዳ ሰቁዋባ ኑሰ አዲሰ።

9 ሄሳ ጊሾ፣ ኑኒ ሂንቴባ ሰዒዳ ጋላሳፔ ደሚዲ፣ ፆሳይ ባ ሼኒያ ሂንቴና ቤሳና ሜላኔ፣ ጌሻ አያናይ አሚያ ኤራቴላኒኔ ጨንጫቴላ ኡባን ሂንቴና ኩንላና ሜላ ኡባ ዎዴ ሂንቴው ፆሳ ዎሶሰ። 10 ሄሳዳካ፣ ጎዳይ ኮይይሳዳ ሂንቴ ዳና ሜላ፣ ኡባ ዎዴ ኢያ ኡፋይሳና ሜላ፣ ሎፆ ኦሶ ኡባን ሂንቴ አይፌ አይፋና ሜላኔ ፆሳ አሊ ኤሪሼ ዲጨና ሜላ ፆሳ ዎሶሰ።

11 ፆሳ ቦንቾ ዎልቃይ ሂንቴ ኡባባ ጌንጫናዳኔ ዳንዳዓናዳ ባ ሚኖቴላ አሚዲ ሂንቴና ኡፋይሶ። 12 ቃሲ ጌሻታ ፖፆ ካዎቴላ ላታና ሜላ ሂንቴና አሊዳ አዋ ጋላቲቴ። 13 ኢ ኑና ቋማ ዎልቃፌ አሺዲ ባ ደሲያ ናዓ ካዎቴላኮ ኤሂሰ። 14 ኢያን ዎዜቲዲ ኢያ ሱሳን ናጋራ አቶቴሊ ዴሚዳ።

ኪሪሰቶሳ ቋቃቴላ

15 ኪሪሰቶሲ ቤንቶና ፆሳሰ ቱማ ሌሚሶ። ኢ ሜዴቴላ ኡባፌ ባይራ። 16 ኡባባይ ኢያ ባጋራ ሜዴቲሰ። ቤንቲያባቲኔ ቤንቶናባቲ፣ ዎልቃቲኔ ጎዳቲ፣ ሃሪይሳቲኔ ማታ አዋቲ፣ ሳሎኒኔ ሳዓን ዴዒያ ኡባይ ኢያዉኔ ኢያ ባጋራ ሜዴቲሰ። 17 ኢ ኡባባፔ ካሴ ዴዔሰ። ኡባባይ ኢያን ባ ቤሳን ቤሳን ኑይኮቲዲ ዴዔሰ። 18 ኢ ባ አሳቴሊ ጊዲዳ ዎሳ ኬላሰ ሁዔ። ኢ ኡባፌ ቦላ ጊዳናው ሃይቆፔ ዴንደን ሲንሌኔ ባይራ።

19 ያሳይ ባ ኩሜላ ያሳቴላራ ኢያን ዳናው ኮዪስ። 20 ቃሲ ማሰቃሊያ ቦላ ጉሲዳ ባ ናዓ ሱላን ሳሮቴሌ ሜዲዲ ሳሎኒኔ ሳዓን ዳዒያ ኡባ ኢያ ባጋራ ባራ ሲጌሊስ።

21 ሃይሳፌ ካሴ ሂንቴ ቆፋ ኢታቴላይ ሂንቴና ያሳፌ ሻኪሲኔ ኢያራ ሞርኬ ኦሊስ፤ ሂንቴ ኦሶይካ ኢታ። 22 ሺን ሃዒ ኪሪሰቶሲ ኣሾን ሃይቁዳ ሃይቁዋ ባጋራ ያሳይ ሂንቴና ባራ ሲጌሊዲ፣ ጌሻታ፣ ቦሬይ ባይናይሳታኔ ዒሎታ ኦሊስ። 23 ሂንቴ፣ ሂንቴ ኣማኑዋን ቃያና ሚኒዲኔ ዓጲዲ ዳናው ቤሴስ። ሂንቴ ዋንጌላ ቃላ ሲዒዳ ዋዴ ኤኪዳ ኡፋይሳ ሚንሊ ኦይኪቴ። ሄ ዋንጌላይ ሂንቴ ሲዒዳይሳኔ ቢታ ኡባን ሳባኬቴዳይሳ። ታ፣ ጳወሎሲካ ሃ ዋንጌላስ ኦሳንቾ ጊዳስ።

ጳወሎሳ ሃዋሬቴላ ኦሱዋ

24 ታኒ ሂንቴ ጊሾ ሃዒ ኤኪያ ዋያን ኡፋይታይስ። ኪሪሰቶሲ ኢያ ኣሳቴሊ ጊዲዳ ዋሳ ኬላስ ኤኪዳ ዋያ ታኒ ታ ኣሾዋን ፖላይስ። 25 ያሳ ቃላ ሂንቴው ፖላዳ ኦዳና ሜላ ታው ኢሜቴዳ ማታን ዋሳ ኬላስ ኦሳንቾ ጊዳስ። 26 ሃ ቃላይ ካሴ ኣጲዳ ዋዲያን ዬሌቴላ ኡባፌ ጌሚዲ ዳዒስ። ሺን ሃዒ ያሳይ ሃ ፀራ ኣማኒያ ኡባስ ቆንጨሲስ። 27 ያሳይ ኣይሁዴ ጊዶና ኣሳ ጊዶን ሃ ፀራ ቦንቾ ዱሬቴላ ቆንጨሲስ። ኢካ ቦንቾ ኡፋይሲ ጊዲዳ ሂንቴ ጊዶን ዳዒያ ኪሪሰቶሳ።

28 ሂሳ ጊሾ፣ ኢሲ ኢሲ ኣሲ ኪሪሰቶሳን ኩሜላ ኣሲ ኦሊዲ ሺሻናው ጨንጫቴላ ኡባን ኣሳ ታማርሶኒኔ ዞሬን ኪሪሰቶሳባ ሳባኮስ። 29 ያሳይ ባ ጊታ ዋልቃን ታናን ኦሊያ ጊሾ ሃዒ ጋካናው ኢያ ዋልቃን ባጻታይሲኔ ዳቡራይስ።

2

1 ታ ሂንቴወኔ ሎዶቁያ ካታማን ዳዒያ ኣሳስ፣ ሃሳዳካ ታና ኣይፌን ቤዒቦና ኣሳ ኡባስ ኣይ ሜላ ባጻቴያኮ ሂንቴ ኤራና ሜላ ኮያይስ። 2 ታ ባጻቴያ ጋሶይካ ኤንቴ ባንታ ዋዛናን ሚኒዲ፣ ሲቆን ቃሽቴዲ፣ ፖሎ ጊዲዳ ኩሜላ ኣኬካ ዱሬቴላ ዳሚዲ ያሳ ፀራ ኪሪሰቶሳ ኤራና ሜላሳ። 3 ኢያን ያሳይ ሚንጂዳ ኤራይኔ ጨንጫቴላ ኡባይ ዳዒስ።

1:20 ኤፌ 2:16

4 ታ ሄሳ ኦኒካ ሂንቴና ጨዋ ቃላን ባሌሶና ማላ ኮያዳ ጋይሰ።
5 ታ ሂንቴፌ ሃካዳ ዴቢኮካ ኣያናን ሂንቴራ ዴባይሰ። ሂንቴ ዱሳ ማራኔ ኪሪሰቶሳ ሂንቴ ማኒዲ ኣማኔይሳ ቤዓዳ ኡፋይታይሰ።

ኪሪሰቶሳን ዴቢያ ኩሜላ ዴያ

6 ሂንቴ ጎዳ ኪሪሰቶሰ ዩሱሳ ኤኪዲይሳዳ ኢያን ዴቢቴ።
7 ኢያን ፃጶ ዩዲቴ፤ ኢያን ከፃቲቴ። ሂንቴ ታማሪዲይሳዳ ኣማኖን ማኒቴ፤ ያሳሰ ኩሚዲ ፓላሂዳ ጋላታ ኣሚቴ።

8 ኪሪሰቶሳፔ ጊዶናሺን ኣሳ ዋጋኒኔ ሃ ኣላሚያ ጮ ዋጋን ካቲዳ ቲሚርቲያኒኔ ኣሳፔ ዩዳ ኤራቴላን ኦኒካ ሂንቴና ጨሚ ባሌሊዲ ዲያና ማላ ናጌቲቴ። 9 ያሳ ያሳቴላይ ኪሪሰቶሳ ኣሳቴላን ኩሚሊ ዴዔሰ። 10 ሂንቴካ ማታሲኔ ዋልቃ ኡባሰ ሁዔ ጊዲያ ኪሪሰቶሳን ኩሚዴታ።

11 ሂንቴ ኪሪሰቶሳ ኣማኒዲ ቃፃሬቲዴታ። ሄሲካ ኣሳ ኩሺን ጊዶናሺን ሂንቴና ኢታ ሃኖቴላፌ ዲጊያ ኪሪሰቶሳን ኦሴቲዳ ቃፃሬቲላ። 12 ሂንቴ ፃማቄቲዳ ዋዴ ኪሪሰቶሳራ ኢሲፌ ሞጌቲዲ፣ ኪሪሰቶሳ ሃይቆፔ ዴንሊዳ ያሳ ዋልቃ ኣማኒዲ፣ ኪሪሰቶሳራ ኢሲፌ ዴንዲዴታ።

13 ሂንቴ፣ ሂንቴ ናጋራ ጊሾኔ ሂንቴ ጩጋ ኣሳቴላ ቃፃሬቶና ጊሾ ሃይቁዲ ዴቢሺን፣ ያሳይ ሂንቴ ናጋራ ኣቶ ጊሰ። ኪሪሰቶሳራ ሂንቴው ዴያ ኣሚሰ። 14 ኢ ኑና ሞቲያኔ ኑራ ኤቄቲያ፣ ኑ ቦላ ፃፌቲዳ ኣጩዋ ዲኪዲ ማሰቃሊያ ቦላ ጴሺዲ ኣጌፔ ዲጊሰ።

15 ኪሪሰቶሰ ዋልቃታኔ ማታታ ማሰቃሊያን ያኒዲ፣ ኤንታ ኦላ ዳንጩዋ ቢሊሲዲ፣ ዲዔቲዳ ኣሳዳ ኦሊዲ ኤንታ ቆንጩን ዩሺዲ ቤሲሰ።

16 ሄሳ ጊሾ፣ ሚያባን ዋይኮ ኡያባን፣ ባሌ ጋላሰ ዋይኮ ኣጌኒ ፃሪያ ቃማ ቦንቸን ኦኒካ ሂንቴ ቦላ ፒርዶ። 17 ሃይሳቲ ሲንላፌ ያናው ዴቢያባታሰ ኤሾ፣ ሺን ቱማይ ኪሪሰቶሳ። 18 ቆዴፔ ቆዋ ኣሽኩቴላኒኔ ኪታንቸ ጎይኖን ጩቄቲያ ኦኒካ ሂንቴና ሂንቴ ዋይቱዋፔ ኣሾ። ሄሳ ማላ ኣሲ ባ ቤዒዳ ቆንጩላን ናሹቲሼ ባ ኣሾ ቆፋን ጮ ኦቶርቲሰ። 19 ሄሳ ማላ ኣሳሰ ሁዔ ጊዲዳ ኪሪሰቶሳራ ጋሄቴላ ባዋ። ኢ ኣሳቴላ ኡባ ሻያኒኔ ኬሶን ኬሶን ጋሊ ኦይሊዲ ሙዚዲ ዲቺሰ። ያሳይ ሄሳ ማላ ኦጌን ኣሳቴላ ኡባሰ ዲቺ ኣሚሰ።

ኦራላ ዴያ

2:12 ሮሜ 6:4 2:13 ኤፌ 2:1-5 2:14 ኤፌ 2:15 2:16 ሮሜ 14:1-6 2:19 ኤፌ 4:16

20 ሂንቴ ከሪስቶሳራ ሃይቂዲ ሃ አላሚያ ሃሪያ አያናታ ዋልቃፊ ላዓ ከዪዳታ። ያቲን፣ አይስ ሻኬቶና አሳዳ ጊዲዲ ሃ ዋጋታስ ሃሪቴቲ? 21 ሃ ዋጋቲ፣ «ኦይኮፋ፤ ላጮፋ፤ ቦቾፋ» ጌቴቴይሳታ። 22 ሃ ኡባይ አሳ ዋጋኔ ቲሚርቴ ጊዲያ ጊሾ ኦሶ ቦላ ፔዲዳፔ ጉዬ ቋያና። 23 ሃ ከታቲ ቦንቾኔ ጨንጫቴሊ ዳኒዲ ቤንታናው ዳንዳዖሶና። ሃ ዋጋቲ ዖሴ ዳሮ ዶሲሲያባ፣ አሸኬኔ ሂንቴ አሳቴፋ ሃሪሲያባ ዳኖሶና፣ ሺን ኑ ኢታ አሞቴፋ ቦላ ዋልቂ ኤንታው ባዋ።

3

ኦራሳ ዴዖ

1 ሂዛ፣ ሂንቴ ከሪስቶሳራ ሃይቆፔ ዴንዲዳይሳዳ፣ ዖሳፊ ኡሻቻ ባጋን ኡቲዳ ከሪስቶሲ ዴዲያ ቤሳን፣ ሳሎን ዴዲያባታ ኮዪቴ።

2 ሳሎን ዴዲያባታ ቦላ ሂንቴ ቆፋ ዋሊቴፔ አቲን ሳዓን ዴዲያባታ ቦላ ዋልፊቴ። 3 ሂንቴ ሃይቆን ሻኬቲዳ ሜላ ሃ አላሚያፔ ሻኬቲዳታ። ሂንቴ ዴዖይ ከሪስቶሳራ ኢሲፊ ዖሳን ጌሚስ። 4 ሂንቴው ዴዖ ጊዲዳ ከሪስቶሲ ቆንጨያ ዋዴ ሄ ዋዴ ሂንቴካ ኢያራ ቦንቾን ቆንጨና።

5 ሄሳ ጊሾ፣ ሂንቴናን ዴዲያ አላሚ አሞታ ዋዲቴ። ሄሳቲካ ላይማቴሊ፣ ቱናቴሊ፣ ላይማታናው አሞቴሊ፣ ኤቃ ጎይኖ ሜላ ጊዲዳ ኡኤቴሊ። 6 ሃይሳታ ጋሶን ዖሳ ሃንቆይ ከቲቶና አሳ ቦላ ያና። 7 ሂንቴካ ካሴ ሄ ኢታ ኦጊያን ቢያ አሳ ጊደን ዴዲሼ ሃይሳታ አሊዳታ።

8 ሃዒ ሂንቴ ሄሳታ አላፊቴ። ቃሲ ሃንቆ፣ ኢዖ፣ ካቺ፣ ዘጊርሲኔ ቦርሶ ኦዳ ሂንቴፊ ዲጊት። 9 ጨጋ አሳቴፋ ኢያ ኦሱዋራ ሂንቴፊ ቃራዳ ጊሾ ኢሶይ ኢሱዋሰ ዋርዶቶፕቴ። 10 ዖሳ ሜዶ ዳኒያ፣ ኤራቴላን ላሜቲዳ ኦራሳ አሳቴፋ ማዒቴ። 11 ሃ ኦራሳ ሚዴቴላን፣ ጊሪኬ አሲ ዋይኮ አይሁዴ አሲ፣ ቃፃራቲዳይ ዋይኮ ቃፃራቶናይ፣ ባርባሬ አሲ * ዋይኮ ኢሰኩቴ አሲ † አይሌይ ዋይኮ ዋማኖይ ባዋ። ከሪስቶሲ ኡባ፤ ኢ ኡባን ዴዲሰ።

12 ሄሳ ጊሾ፣ ዖሳን ዶራቲዳ አሳዳ ጌሻታኔ ዶሴቲዳይሳታ ጊዲዲ፣ ማሮቴላ፣ ኬሃቴላ፣ አሸኬቴላኔ ዳንዳዓ ማዒቴ።

8 ሃዒ ሂንቴ ሄሳታ አላፊቴ። ቃሲ ሃንቆ፣ ኢዖ፣ ካቺ፣ ዘጊርሲኔ ቦርሶ ኦዳ ሂንቴፊ ዲጊት። 9 ጨጋ አሳቴፋ ኢያ ኦሱዋራ ሂንቴፊ ቃራዳ ጊሾ ኢሶይ ኢሱዋሰ ዋርዶቶፕቴ። 10 ዖሳ ሜዶ ዳኒያ፣ ኤራቴላን ላሜቲዳ ኦራሳ አሳቴፋ ማዒቴ። 11 ሃ ኦራሳ ሚዴቴላን፣ ጊሪኬ አሲ ዋይኮ አይሁዴ አሲ፣ ቃፃራቲዳይ ዋይኮ ቃፃራቶናይ፣ ባርባሬ አሲ * ዋይኮ ኢሰኩቴ አሲ † አይሌይ ዋይኮ ዋማኖይ ባዋ። ከሪስቶሲ ኡባ፤ ኢ ኡባን ዴዲሰ።

12 ሄሳ ጊሾ፣ ዖሳን ዶራቲዳ አሳዳ ጌሻታኔ ዶሴቲዳይሳታ ጊዲዲ፣ ማሮቴላ፣ ኬሃቴላ፣ አሸኬቴላኔ ዳንዳዓ ማዒቴ።

12 ሄሳ ጊሾ፣ ዖሳን ዶራቲዳ አሳዳ ጌሻታኔ ዶሴቲዳይሳታ ጊዲዲ፣ ማሮቴላ፣ ኬሃቴላ፣ አሸኬቴላኔ ዳንዳዓ ማዒቴ።

3:1 ማዝ 110:1 3:9 ኤፌ 4:22 3:10 ሜዴ 1:26፤ ኤፌ 4:24

* 3:11 ባርባሬ አሲ፣ ጉሳይ ታማሪቦና ዋይኮ ኤሮና ዋይኮ ዬሊቲዳ ሜላ ሲዒ ጊዲ ዴዲያ አሲ ጉሱ። † 3:11 ኢሰኩቴ አሲ፣ ጉሳይ ዋዛና ሚኖ አሲ ዋይኮ ዋዛና ኢታ አሲ ጉሱ። 3:12 ኤፌ 4:2

13 ኢሶይ ኢሱዋ ዳንዳዊ። ኦኒካ ባ ላጊያን ቆሄተዳባይ ዳዊኮ ኢያው ኣቶ ጎ። ጎዳይ ሂንቲው ኣቶ ጊዳይሳዳ ሂንቲካ ዋሊስ ኣቶ ጊቲ። 14 ሄ ኡባ ቦላ ኡባባ ኢሲፌ ሺሺዲ ቃቺያ ሲቆ ማዊ። 15 ያሳይ ሂንቲና ኢሲ ኣሲ ኦሲዲ ያጊዳይ፣ ሳርቴሳሰ ጊዲያ ጊሾ ኪሪሰቶሳ ሳርቴሳይ ሂንቲ ዋዛና ሃር።

16 ኪሪሰቶሳ ቃላይ ሂንቲ ዋዛናን ኩሚዲ ዳዎ። ጨንጫቲላ ኡባን ኢሶይ ኢሱዋ ታማርሲቲኔ ዞሪቲ። ማዝሙራን፣ ሳባኒኔ ኣያና ዬሳን ያሳ ዋዛናፕ ጋላቲሼ ዬጻቲ። 17 ያሳ ኣዋ ዬሱሳ ባጋራ ጋላቲሼ ሂንቲ ኦዴቲያባ ዋይኮ ኦሲያባ ኡባ ጎዳ ዬሱሳ ሱንሳን ኦሲቲ።

አማኒያ ኣሳ ዲሳ

18 ማቼቶ፣ አማኒያ ኣሳስ ቤሲያባ ጊዲያ ጊሾ ሂንቲ ኣዚናታሰ ሃሪቲቲ።

19 ኣዚናቶ፣ ሂንቲ ማቼታ ሲቁቲ፤ ኤንታው ኢቶፒቲ።

20 ናይቶ፣ ሂንቲና ዬሊዳይሳታሰ ኡባባን ኪቲቲቲ፤ ሄሲ ጎዳ ኡፋይሲያባ።

21 ኣዋቶ፣ ሂንቲ ናይቲ ኡፋይሲ ቃንያና ማላ ኤንታ ጫማሶፊቲ።

22 ኣይሌቶ፣ ሳባን ሂንቲው ጎዳ ጊዲዳይሳታሰ ኡባባን ኪቲቲቲ። ጎዳ ቦንቺሼ ሱሬ ዋዛናፕ ኪቲቲዲ ኤንታ ኡፋይሲቲፕ ኣቲን ኣሲ ቤዎ ጊዲ ኦሶፊቲ። 23 ሂንቲ ኦሲያ ኦሶ ኡባ ኣሳሰ ጊዶናሺን ጎዳሰ ኦሲያ ማላ ዋዛናፕ ኦሲቲ። 24 ጎዳፕ ላታ ዋይቶ ኦሲዲ ሂንቲ ኤኬይሳ ኤሪቲ፤ ሂንቲ ጎዳ ኪሪሰቶሳ ሃጋዜታ። 25 ያሳይ ኣሳ ሶምዎ ቤዲዲ ፒርዶና ጊሾ ኦኒካ ኢታ ኦሶ ኦሲኮ ባ ኢታ ኦሶዋ ጊሾ ዛር ኤካና።

4

1 ጎዳቶ፣ ሂንቲዉካ ቃሲ ሳሎን ጎዳይ ዳዊይሳ ኤሪዲ፣ ሂንቲ ኣይሌታሰ ጻሎቴላኒኔ ኢሱዋ ኢሱዋፌ ሻኮና ኮሺያባ ኦሲቲ።

2 ያሳ ባርኪዲ ጋላቲሼ ቃንያና ዋሲቲ። 3 ያሳይ ባ ቃላሰ ፔንጌ ደያና ማላኔ ታኒ ሄሳ ጋሶን ቃሾን ዳዊያ ኪሪሰቶሳ ፀራ ኣዋጅና ማላ ኦሰካ ዋሲቲ። 4 ቃሲ ታካ ቤሴይሳዳ ቃላ ቆንጨሳዳ ኦዳና ማላ ታው ያሳ ዋሲቲ።

3:13 ኤፌ 4:32 3:16 ኤፌ 5:19-20 3:18 ኤፌ 5:22፤ 1ጴጊ 3:1
3:19 ኤፌ 5:25፤ 1ጴጊ 3:7 3:20 ኤፌ 6:1 3:21 ኤፌ 6:4 3:22
ኤፌ 6:5-8 3:25 ኤፌ 6:5-8 4:1 ኤፌ 6:9

5 እንጃቲያ ዎዴ ኡባ ጎዔቲሼ አማኖና አሳ ማታን ጨንጨቱላን ዴዒቲ። 6 ሂንቴ አሳ ኡባሰ ኮሺያ ዛር ኢሞ ኤራና ሜላ ሂንቴ ኦዳይ ኡባ ዎዴ ኣቶ ኬሃቴላን ኩሚዳይሳኔ ማጻኔዳ ማልዒያባ ጊዳናው ቤሴሰ።

ወርሴላ ሳርታ

7 ኑ ሲቆ አሻይ ቲኪቆሲ፣ ታራ ኢሲፌ ጎዳ ኦሱዋን አይሌ ጊዲዳ፣ አማኔቲያ ኦሳንቸይ፣ ታ ዴዑዋባ ሂንቴው ኦዳና። 8 ታኒ ኢያ ሂንቴኮ ከቲዳይ፣ ኑ ዋኒዲ ዴዒያኮ ሂንቴው ኦዲዲ ሂንቴና ሚንጮላና ሜላሳ። 9 ኣናሰሞሲ፣ አማኔቲያ ሲቆ አሻይ፣ ሂንቴ ባጋይ፣ ኢያራ ሂንቴኮ ቤሰ። ኤንቲ ሃይሳን ሃኒያባ ኡባ ሂንቴው ኦዳና።

10 ታራ ቃሼቲዳ ኣሪሰጻርኮሲኔ ባርናባሳ አሻ ናዓይ ማርቆሲ፣ ሂንቴና ሳር ያጎሶና። ታ ሂንቴው ካሴ ኦዲዳይሳዳ ማርቆሲ ሂንቴኮ ቢኮ ኢያ ሞኪቲ። 11 ዩሱሳ ጊያ ያሰጸሲ ሂንቴና ሳር ሳር ያጌሰ። ያሳ ካዎቴላ ጊሾ ታራ ኦሊያ አሳታ ጊዶፌ ኣይሁዴ ጊዲዳይሳቲ ሃ ሃሻታ፤ ኤንቲ ታና ዳር ሚንጮሊዳሶና።

12 ሂንቴ ባጋይ፣ ኪሪሰቶስ ዩሱሳ ኣይሌይ፣ ኤጳፊሪ ሂንቴና ሳር ሳር ያጌሰ። ኢ ሂንቴ ያሳ ሲንላን ሚኒዲ ኤቃናዳኔ ያሳ ሼኒያ ኤሪዲ ፖላና ሜላ ኡባ ዎዴ ያሳ ሂንቴ ጊሾ ዋሴሰ።

13 ኢ ሂንቴ ጊሾኔ ሎዶቂያኒኔ ሂራፖሊሳ ካታማን ዴዒያ አሳ ጊሾ ዳር ዳቡሪዳይሳ ታ ማርካታይሰ።

14 ኑ ሲቆ አሻይ ዶቶሬይ ሉቃሲኔ ዴማሲ፣ ሂንቴና ሳር ሳር ያጎሶና። 15 ሎዶቂያን ዴዒያ ኑ ኢሻታሰ፣ ኒሞፋሲኔ ኢ ኬላን ሸቂያ አሳሰ ኑ ሳርሉዋ ኦዲቲ።

16 ሃ ዳብዳቢያ ሂንቴ ናባቢዳፔ ጉዩ፣ ሎዶቂያ ዎሳ ኬላን ናባቢሲቲ። ሂንቴካ ሎዶቂያ ዎሳ ኬላይ ሂንቴው ዩዲያ ዳብዳቢያ ናባቢቲ። 17 ቃሲ ኣርኪጳሳ፣ «ጎዳይ ኔው ኢሚዳ ኦሱዋ ፖላናይሳ ዶሳፓ» ያጊዲ ቆፊሲቲ።

18 ታኒ፣ ጳዉሎሲ፣ ሃ ሳርሉዋ ታ ኩሼን ፃፋሰ። ታ ቃሹዋ ቆፒቲ።

ያሳ ኣቶ ኬሃቴላይ ሂንቴራ ጊዶ።

4:5 ኤፌ 5:16 4:7 ሃ.ኦ 20:4፤ 2፻ሞ 4:12 4:7 ኤፌ 6:21-22
4:9 ፊልሞ 10-12 4:10 ሃ.ኦ 19:29፤ 27:2፤ ፊልሞ 24፤ ሃ.ኦ 12:12፣ 25፤
13:13፤ 15:37-39 4:12 ቆላ 1:7፤ ፊልሞ 23 4:14 2፻ሞ 4:10-11፤
ፊልሞ 24 4:17 ፊልሞ 2

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022

c35d6c73-3843-5482-b53e-7559d35deee5